

丹淵集 卷二十六
明逸表康叔于朝曰朱某曩棄官本繇尋其母
今旣得之馮翊矣宜還之舊秩且褒寵之以勸
激天下當時士大夫相逢遇謹然駭異稱嘆謂
非世之所有在昔亦無幾矣其秋康叔侍太夫
人入都都人逐板輿前後擁觀至所居閭巷談
說抃蹈嗟咨至有感慨墮淚而不能自語者如
是閱月而後已上嘉賞特召見復其官又封賜
其母長安縣太君康叔請願且俸河中庶近母
前所在慰之詔許於是好事者爭賦詩以贈行

凡若干篇五年同守陵州康叔之子雒縣尉瞻
之遣使致書授之大輔于前此詩也且曰大人
昔求祖母時其端涯絕未知而公與之詩謂必
得後果然瞻之將欲益以諸公所爲刻傳之幸
公復序之使明白同旣已高康叔之懿行又愛
其子能章大其父之令名故爲之云云以警當
世之薄俗以貽史氏之願作佳傳者康叔名壽
昌今爲駕部郎中壬子中元平雲閣序

送敏行無演序

丹淵集 卷五
余於莊周書讀之有年矣愛其善騁高辯一盡
乎天下事物有名相者性分之理輒嘗謂曰是
雖有好爲橫議之士於此固亦無地可以容其
言矣後得僧肇法師四絕論因悟不遷不真之
旨與無知無名之義漸簡邪惑直領妙慧回視
向之所嗜逍遙齊物之說何其饒饒者哉其有
高不可躡而深不可汲者竊常患之講師無演
自成都來爲余設滅緣之梯引除妄之綆使余
旁羊恣肆造詣無極俛仰一息空色皆盡斯無

演之力於余大矣顧余所獲者何等物耶一日
無演忽語余以西還之期挽袂以留屢不能得
遂書此以贈別且自見也熙寧六年癸丑季冬
甲申書

送通判張總之都官赴闕序

服道之深者其心必渾融淵虛寬廓夷易秉負
確固動不回辟據通顯處屈約視之槩然弗汨
乎中安所自存以充其元焉近世養士不以三
代之法成就之使其知此術者甚鮮同嘗用是

丹淵集 卷二十六
以考質士大夫之所爲謂清河張侯總之者斯
人歟總之仁以治已誠以接物自登科凡三十
年而官不過員外郎位才止治中從事不競勢
不倚俗外泊而內靜色恬而氣和其辯論正而
達其文章博而粹無躁志無懟語愉如也同往
年拜總之於成都及來南幽復得預總之職事
反覆參視無有缺誠哉士者之刑範而吏者
之文墨耳今解秩歸闕彼能以賢才而報國者
云誰如欲爲朝廷求所以有益於時者用總之

則名知人矣

道士袁惟正字行之序

道士袁君闔中人也其所住觀與余永泰山居
相距才百里予昔在鄉里時已聞袁君能用六
十四卦推五行配六神使七十二斂言人禍福
已發未兆之應一一若目見然竟未識袁君之
面也後余典校中祕書幸與士大夫遊近日往
往有爲予言道士自蜀來者善以爻象消息休
咎嘗與某人占某事某事約時指日無不如其

丹淵集 卷二十六
說郭景純管公明之流也予雖舊聞袁君之術甚精而未敢以是必爲袁君以對之爾暇日納涼於城南道宇有道士出西廡下高觀廣額狀貌怪偉肅予以入坐堂上予因問其所從來曰來自蜀問何以居此曰往年嘗以占驗得權貴人意遂喜以紫服奏我館我於是問其術誰師而如此曰自居蜀時已得異人授祕記後復走天下東西南北殆遍聞某所有某人善此術者雖數千里必往咨焉質吾所學而遂無疑凡今

所言若牛刃虱鏃見則洞然矣問其姓曰袁氏乃予昔在鄉里時所聞與近士大夫爲予言者袁君是矣遂與之往還一日詣予言諸友皆以字相稱我獨無敢以字請予曰惟正者君名歟夫正者道之所由立也凡在天地間涉形迹該事爲者莫不保之以全其用者也或失之則傾側邪辟龐雜乖盭於不善無不至矣今君方以是術有名于時爲人信嚮如能正以行之守之以固不爲利欲撓其心若莊遵季主之所爲君

丹淵集 卷三十六 九
之道高矣宜以行之爲字袁君跪而言曰方外
之人未聞此語幸而君子字我又因而規我敢
不佩服以終世書以贈之嘉祐五年庚子元日
謹序

夏侑字德卿序

古者諸侯有德天子必賞之以樂有樂必飾之
以舞有舞必差之以行綴其制蓋自六佾而下
佾列也列行綴也夫欲識治民之勞逸者必以
行綴遠近而考察焉故曰觀其舞知其德會稽

夏君生於勲貴之家能不以驕蹇自汚而學問
無厭其名佾有意歟其將暴厥所脩以進於位
而爲生民之利歟其欲謀致華顯光大以祈有
德者之賞歟是必耻其行道也不充而受賜也
不侈爾問字於余余以德卿呼之緣其義而就
其業也君能勉之歟如能使吾言不費則君之
見報者

陳眉公先生訂正丹淵集卷二十七

宋 蜀 文 同與可撰

明 吳 毛 晉子晉

蜀 李應魁務滋同參

吳 吳一標建先

表

賀斬儂智高表

臣某言伏覩進奏院報狀已斬儂智高訖蕩除妖氛天地以肅翦撲兇醜寰瀛甚安凡在聽聞

陳眉公先生訂正丹淵集卷二十七

宋 蜀 文 同與可撰

明 吳 毛 晉子晉

蜀 李應魁務滋同參

吳 吳一標建先

表

賀斬儂智高表

臣某言伏覩進奏院報狀已斬儂智高訖蕩除妖氛天地以肅翦撲兇醜寰瀛甚安凡在聽聞

孰不懽快臣某誠慶誠忭伏惟 皇帝陛下
機與神密道如天高威靈風雷慈惠雲雨國以
內外盡陶醇醲物之生成皆荷覆育宜無獷悍
之俗上黷寬仁之尊而儂智高者生於窮涯稟
者蓋氣善教不率狂謀自將嘯聚九真之徒跳
梁五管之地尾掉蜂蝎脣張豺狼驚驅我民人
搖撼我州邑 陛下震動英武鋪宣睿謀暫迂
材臣略舉銳士大號鎮壓羣頑遁逃奔流它方
寄託微命然且質其親愛許以來馴何梟性之

不移但狸蹤之自遠憬彼蕃服憚于皇家茲而
弗容衆所共憤乃盡誅其殘孽仍遠告於中區
掀揚暄霾芟刈繁穢是宜兼以母弟尸諸市朝
大正嚴科了無遺種傳命下諭有生成咸知四夷
之魂盡飛萬國之手皆舞茲焉盪滅永矣恬寧
臣限守邊州不獲奔詣闕庭臣無任瞻天望聖
喜忭激切之至謹奉表稱賀以聞

賀聖體康復表

臣某言今月日本州進奏官任中立狀報 聖

體康復於二月二十三日御延和殿親見羣臣者嚮以皇躬忽嬰美疾勿藥有喜大易載無妄之文自得爲功內經明適性之說仰聆安豫俯積欣歛臣某誠歡誠忭頓首頓首恭惟 皇帝陛下乘熙明之期荷富盛之業抑畏萬務焦勞一心無逸豫以爲懷有憂勤而自戒慄乎居海寓之大惕若奉祖宗之休乃身冰淵所事霄旰屬履三陽之候偶差六辨之和而九廟護持萬靈綏祐僅逾旬浹已復恬寧親臨中宸燕見

庶列氛祲蕩滌地天所以廓清霾翳歛藏日月所以光耀輿情旣悉黨議相驩況今遐邇乂安左右賢哲願裁思慮游神清燕之深庶召嘉祥享國厯鴻之永臣幸逢聖旦忝受邦恩限此守藩無由詣闕臣無任瞻天望聖喜忭激切之至謹奉表稱賀以聞

賀乾元節表

臣某言臣切以統當大火聖人乘而上臨月在正陽真主稟而下降寰宇遇乎嘉節黎庶陶乎

丹波集 卷三十一
盛時和聲激揚協氣充衍臣某誠歡誠忭頓首
頓首伏惟 皇帝陛下合天地之粹憑祖宗之
休誕靈中區撫衆率土續世而治歷年以深仁
恩滂洋德教醲厚顧羣萌常願於崇報盡衆美
難酬於極尊唯逢慶辰乃祝睿筭巍然而峙者
山嶽浩然而流者江河齊同久長無有窮盡臣
被惠累世叨榮遠藩限守符章阻陪班列遙望
天闕臣無任頌神禱聖踊躍忭蹈之至謹奉表
稱賀以聞

賀恭謝禮畢表

臣某言今月十二日大慶殿恭謝禮畢大赦天
下者講盛大之儀三靈集祐沛厖鴻之澤萬寓
蒙休錫隱歡聲之馳熏丞和氣之發浩若九土
熙然一春臣某誠歡誠忭頓首頓首伏惟

皇帝陛下紹會千齡之期乘臨百世之統崇立
禮樂而標于永古輝明制度而盛于前朝念天
地生成之深必謹精純之饗惟祖宗功德之茂
當崇配侑之文爰諏季商遂就吉卯具程容於

丹淵集 卷五
廣殿協大報於圓丘邦 浸融國典允備顧惟
已事公此推恩思與元元之繁共均簡簡之況
號令迅而風下仁慈滂而雨流臣幸遇昌辰屬
臨遠郡卽時分告縣邑輯呼軍民宣揚聖謨曉
諭上德傾帑藏之厚賜挺狴牢之衆辜坊歌巷
謠耄舞稚蹈悉能祝 陛下享無疆之壽頌
陛下隆不拔之基羣口皆然累日後已臣限以
職事不獲陪賀闕廷無任喜忭激切之至謹奉
表稱賀以聞

賀明堂禮畢表

臣某言伏覩今月二十日赦書到州祀明堂禮
畢大赦天下臣已於當時呼集官吏軍民宣讀
曉諭仍下所屬縣鎮施行訖者禮行路寢講昭
曠之文詔下中區霈汪洋之澤頌聲飽滿叶氣
熏烝天子修大饗之儀史臣書盛德之事一朝鉅典
萬世洪猷臣某誠歡忭頓首頓首伏惟

皇帝陛下纂嗣慶基修崇徽屋度越虞華之孝
增高商乙之仁以謂展三載之精禋存五聖之

丹浦集 卷二十七 五
舊矩顧惟 仁廟之世嘗奉合宮之祠念將循
仍俾罔譌墜以示降神之重以彰配帝之嚴精
虔致誠靖謐終事將均禧於四海爰發號于九
關盪垢滌瑕赦過宥罪陳租久債潛烈幽功咸
在此時盡蒙其惠乾坤泰定日月清明諸產昭
蘇太蘇充浹臣方當盛旦出守遐州雖不能陪
在位以駿奔實亦幸與斯民而宣布臣無任瞻
天望聖歡忭踊躍激切屏營之至謹奉表稱賀
以聞

賀同天節表

臣某言伏以月正乎陽體六爻之剛健日盈其
數具五位之生成聖人所以出而爲乎大君上
帝所以命而撫乎下土嘉辰在旦綿寓皆歡臣
某誠慶誠忭頓首頓首恭惟 皇帝陛下文備
堯明智兼湯勇無治不究有爲必成自履廣居
益新大業立帝王之紀將欲度三皇之先齊天
地之休豈止饗億年之久常臨大寶永覆羣生
臣久去明廷叨居遠服屬縈采組是爲有守之

官仰薦壽觴徒祝無涯之筭臣無任瞻天仰聖
激切屏營之至謹奉表稱賀以聞

賀同天節表

臣某言臣聞天之所以生聖人蓋表章於後世
國之所以得明主期保祐於斯民乃 宋重熙
惟皇嗣守在傳而盛德天縱居尊而睿謨日新
故得荒忽之遐辟陋之衆沫游帝渥重灼皇明
逢慶節以在茲載歡聲而無已臣某誠歡誠忭
頓首頓首伏惟 皇帝陛下繼堪輿之大紹宗

祐之休上帝鑒觀羣靈擁衛是故月臨于巳六
陽儲純粹之精日浹於旬五緯合生成之數誕
彌聖質對越昌期所以靜淵疏通剛健中正齊
堯等禹軼漢踰唐文淳武嚴惠敏威肅雖然舉
四海之內願報於帝力極萬寶之重豈酬於化
功惟於降聖之辰共祝同天之壽臣幸陞仕版
竊玷儒林屬紆郡紱於遐垠阻綴朝裾於廣域
願言致頌與世同辭臣無任瞻天仰聖激切屏
營之至謹奉表稱賀以聞

丹波集 卷三十一
賀正旦表

臣某言天道運四時之功惟春日首王者布萬方之政以歲爲端大和發揚庶彙蕃蕪羣靈儲甚盛之祉兆姓禱無窮之休至尊乘之諸福備矣臣某誠歡誠忭頓首頓首伏惟 皇帝陛下稟五精之粹會一氣之元襲九廟之不祥荷八殞之大統日躋乃聖天祐其仁諒臨御於三朝固昌延於億載臣方當盛旦出領遐州阻陪漢會之朝徒祝堯封之壽遙瞻象闕限守魚符臣

無任望天祝聖激切屏營之至謹奉表稱賀以聞

賀冬至表

臣某言天地既復示一陽生物之端帝王其乘饗萬壽集躬之慶惟是撫內外之臣庶於以禱邦家之福禧盛德溥將綿區永賴臣某誠歡誠忭頓首頓首伏惟 皇帝陛下荷堪輿之寶籙承宗祐之神基睿謨益新聖度愈遠皇明徹乎幽隱惠澤浸乎洪纖遇此昌辰備諸景貺臣蒙

恩守郡待罪踰年拜綵仗之前阻聯華貫望禱
雲之下徒想清光臣無任瞻天仰聖激切屏營
之至謹奉表稱賀以聞

爲楊侍讀謝官表

臣某言才短而治劇務或解去則甚安學荒而
爲近臣若忝冒則誠愧讓避不獲兢危以居臣
某誠惶誠感頓首頓首竊念臣素無它能本自
孤立天授介狹世名拙方偶塵宦遊誤應官使
約已以道豈敢謀身而自營納名於忠常慙報

國之未効命與羈躓職多曠隳惟賴聖神之知
屢寬罷軟之責嚮蒙杖拭使辦要煩召至外臺
入陪會省簿領倥偬財賦浩穰顧區撥以非能
慮譴斥而不暇止幸滿歲將從外官甘終散僚
分絕榮路伏遇 皇帝陛下黼飾治道興崇化
原簡求多聞登采衆善演導聖智鋪宣神猷天
閣之嚴署才臣而訪問書殿之秘列儒官而講
陳此之清聯當以碩望況今耆雋在列吉髦盈
庭宜親通才用副嘉選或下授於孱鄙實有辜

丹淵集卷二十七終
於選掄然臣少雖從師久已廢業性弗解而自蔽心不磨而愈昏古今之宜究極而未至典籍之奧討論而莫精將何以上補宸聰遠答天眷重煩綸綍難避於新恩退伏縑緗復尋於舊學庶盡一節少裨萬分臣無任感荷慚恐激切屏營之至謹奉表稱謝以聞

丹淵集卷二十七終

陳眉公先生訂正丹淵集卷二十八

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

表

謝就差知興元府表

臣某言今月二十日進奏院遞到勅牒一道伏蒙聖慈以臣陳乞特除授臣知興元府仍放朝

丹淵集卷二十七終
於選掄然臣少雖從師久已廢業性弗解而自蔽心不磨而愈昏古今之宜究極而未至典籍之奧討論而莫精將何以上補宸聰遠答天眷重煩綸綍難避於新恩退伏縑緗復尋於舊學庶盡一節少裨萬分臣無任感荷慚恐激切屏營之至謹奉表稱謝以聞

丹淵集卷二十七終

陳眉公先生訂正丹淵集卷二十八

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

表

謝就差知興元府表

臣某言今月二十日進奏院遞到勅牒一道伏蒙聖慈以臣陳乞特除授臣知興元府仍放朝

辭者便私之請輒昧死以上聞從欲之仁遽推
恩而下及臣何爲者幸至是哉舉千里之大而
使之撫綏顧一介之輕而敢不勤瘁望過心慄
感深涕流臣某誠惶誠恐頓首頓首念臣誤緣
科名竊窺館閣是正譌謬學問淺而未精講磨
本元才識短而多泥居中無補請外尤頻嚮蒙
朝廷俾守仁壽當奉行條詔之始固勿憚簿書
之勞踰年於茲庶事頗集殆將滿歲當趣還朝
因念骨肉衆多道途緬邈加有爲累之婚嫁殊

無可仰之耕桑何所賣琅邪之田徒爾索長安
之米以再求僻郡少緩私門豈謂伏遇 皇帝
陛下照以天光函之海量俯矜愚妄特遣誅夷
亟下武都之書使紆南鄭之紱矧茲善地實曰
鄰鄉川陸寬平魚稻豐美顧惟多士有願往而
不能豈爾賤臣或陳請而遂得被恩若此圖報
用何止俟交官卽赴新治誓盡么膺之一節庶
酬汪濊之萬分但竭愚衷敢誣天鑒臣無任感
神荷聖忭蹈欣躍激切屏營之至謹奉表稱謝

丹浦集
卷三
以聞

興元府謝上任表

臣某言伏蒙聖慈就差臣知興元軍府事臣已於三月十八日上任訖前俾爲州愧無善狀今叨易地竊荷優恩退視溢滿之材薦霑汪濊之澤揆其不稱常爾爲虞臣某誠惶誠感頓首頓首伏念臣稟才不高涉學甚淺偶塵仕路輒玷儒林曾無可觀謬被朝絳獨有甚幸屢親藩條方解組於隆山之陽復移麾於漢水之上逾旬

至止盡室安然竊觀風物之宜實與鄉關之近庶事易輯羣情相通顧雖孱庸粗可臨蒞此蓋伏遇 皇帝陛下全大勝之德運無私之仁遂使孤生亦膺遠寄臣謹當竭已思慮求民隱微諭陛下愛人之心行陛下考古之政不敢立異自徼虛名惟知盡忠庶酬大惠朝夕於是死生以之臣無任瞻天望聖激切屏營之至謹奉表稱謝以聞

洋州謝到任表

臣某言臣伏蒙聖恩就差臣知洋州軍州事已於十月十三日上任訖解麾漢水之陽卒無善狀剖竹洋川之上重沐殊恩嚮露愚衷常虞愆責忽汚睿聽遽賜矜從臣某誠惶誠感頓首頓首伏念臣生西南僻陋之邦本草莽孤寒之士守章句之學會未達於淵源登詞賦之科幸且緣於階漸期行所願不負於官粗知廉耻立身之大端素識忠義報國之名節以至四參郡事三佩守符曾亡纖疵上抵明憲惟憂所得過分

不敢別有妄營止求便麾屢瀆嚴宸此蓋伏遇皇帝陛下憐其雖愚而未至無狀許以堅請而尚令有爲惟洋號曰小州在蜀最稱善地所樂有江山之勝其養得魚稻之饒疆界甚遠而民人樸淳牒訴不繁而獄犴希少比之前治事不及於一分在於愚臣心實知其萬幸惟勤夙夜以布教條事有未便則裁而失中民或不然則諭以循理誓殫駑力仰答鴻私臣無任感天荷聖激切屏營之至謹奉表稱謝以聞

陵州謝上任表

臣某言臣伏奉勅差知陵州軍州事已於三月
五日起任訖竊以陵州在崎嶇山谷之中城壘
邑屋與巒領澗壑相爲上下所領縣四戶口裁
三萬稅錢止千三百緡租不滿萬石土田瘠鹵
民頗善耕稼然其性椎質各守護本業不意作
訴訟爲之長吏者但能奉諭朝廷所以愛養遠
民之意外惟輯簿書趣期會而已如是亦可謂
之善辦夫職業者而臣此特輒當斯任豈不爲

至幸哉臣誠喜誠懼頓首頓首伏念臣顛蒙淺
陋素無才術但偶以辭律獲中科選旣而用此
復列館閣惟是稟賦孱薄動涉艱梗凡自近歲
已來愈罹患難連綿家禍幾瀕於死纔得舊官
復以罪失臣常自念生平蹤跡如此而欲久居
圖書之府重費太官之膳苟福不稱是必轉爲
咎悔臣嚮者所以懇求補外願以所學施於有
政冀獲萬一上圖補報頻煩干叩不避誅戮伏
蒙 皇帝陛下天地父母涵容養育察見幽隱

遂賜矜恤不惜千里遣臣試守此州最爲僻陋
殊無將迎之勞加復其民素號易治臣之得此
誠極優幸若夫均稅賦簡徭役撫惇獨明寃滯
臣旦夕區區所以留意於其間者願持此効仰
答恩賜策駑礪鈍不知止息臣無任喜懼交集
誠悃激切之至謹奉表稱謝以聞

謝復官表

臣某言某今月一日進奏院遞到勅牒官誥各
一道伏蒙聖恩以祀明堂禮畢特授臣尚書祠

部員外郎者議禮不當奪官至輕固宜終身不
復舊秩豈謂今日再蒙新恩緣聖主講右个之
洪儀致愚臣歸左曹之末屬被命忤躍撫躬憂
惶臣某誠惶誠感頓首頓首伏念臣出身寒微
受性迂闊偶從鄉版獲隸朝紳迹甚羈孤勢無
援助加以讀書不能究其根本臨事所以失其
源流當獲罪之時人皆謂其末減在布慶之後
天難酬其大均此蓋伏遇 皇帝陛下執道之
公御臣以一昔之行罰蓋懲其疏略之非今也

丹波集 卷三
推恩式示其昭酒之用臣愈當循省敢怠操修
惟勤討論庶備驅使誓殫耿節圖報鴻私臣無
任感恩荷德喜懼交集之至謹奉表稱謝以聞

謝轉官表

臣某言九月十六日進奏院遞到勅牒官誥各
一道伏蒙聖慈特授臣度支員外郎仍加輕車
都尉者錄此微勤進之榮秩念無最績徒被優
恩欽閱訓辭交橫感涕自顧漂零之賤常霑優
渥之華臣某誠惶誠感頓首頓首伏念臣出西

南僻陋之邦本田壠孤寒之士偶緣文藝誤中
科名二紀歷於仕途一生困於末路若絕徑之
弊轂屢挽而莫前如墮岸之積沙將通而輒塞
所以爲大常博士自首至尾也僅十年轉祠部
員郎旣得復失也凡三次蹇難若此窮薄使然
退常自循本因無狀用何才業稱是寵靈得居
班聯已過涯分屬展年之甫滿會奏課以當遷
伏遇 皇帝陛下發天地之德而溥生開日月
之光而徧照枯根腐柢煦以陽和側隙窮涯破

其昏鄙是使吏闡之藁品亦升計省之中行臣
敢不恪奉官箴究行民政誓殫愚効仰報鴻私
臣無任瞻天望聖激切屏營之至謹奉表稱謝
以聞

謝賜曆日表

熙寧五年

臣某言本州進奏院遞到詔書一道伏蒙聖恩
賜臣熙寧五年曆日一卷者切以王者求天之
端用正厥事聖人合時之序乃繼其神是故凡
當改歲之初必布授人之法以頒宣於列郡以

揭示於羣氓使之奉行罔或遺廢臣某誠惶誠
感頓首頓首伏惟 皇帝陛下仰規洪宰俯育

黎元深詔疇人精窮統母撰定歲律編爲國章

賜諸守土之臣諭彼食毛之俗使之知氣朔之

晚識功緒之後先順本陰陽調爲玉燭臣謹當

被受敢怠施行捧戴之初忭躍無已臣無任佩

恩服德激切屏營之至謹奉表稱謝以聞

謝賜曆日表

熙寧七年

臣某言都進奏院遞到宣一道伏蒙聖恩賜臣

熙寧七年曆日一卷者竊以天道運動而生時所以合靈文於璿蓋王者遵承而布政所以定寶曆於清臺步日月盈縮之纏均節候早晚之序以示萬寓以明兆民付諸守臣謹是彝憲臣某誠惶誠感頓首頓首伏惟 皇帝陛下摠元立極執象求端御六氣以宣和撫五辰而在宥於是訂考靈曜之說正斗位以無差造攝提格之書成歲功而有緒編研甚密推測尤精臣於此時寵被其賜謹當仰虔君惠俯親農期俾遂

嘉生庶迎協氣臣無任瞻天荷聖激切屏營之至謹奉表稱謝以聞

謝賜曆日表

熙寧九年

臣某言今月十三日進奏院遞到宣一道賜臣熙寧九年曆日一本者上天運至神均陰陽之氣而序成四立之功者謂之時聖人命有司推分至之度而編爲一朞之事者謂之曆大抵皆因萬民資用而立本蓋慮忽有一物過差而失宜故每於首歲而成書必布之諸夏而垂法君

心溥愛民意交歡臣某誠惶誠感頓首頓首伏
惟 皇帝陛下體合道淵用符天緯謂度類生
生而有理當謹候於陽秋謂黎元泯泯而無知
必先明於氣朔遂俾清臺而鈎校實如靈憲之
精微是則卦氣効而無災沴之虞月令正而合
發歛之節盡躋庶俗皆底大和臣幸守半符叨
承中旨謹當宣布不敢廢違臣無任荷恩詔喜
忭激切之至謹奉表稱謝以聞

爲林大卿轉官表

臣某言正月八日進奏院遞到誥勅牒各一道
伏蒙聖恩授臣光祿卿仍放朝謝者詔下九關
實從於簡顧職通三義遽屬於孤平被寵有殊
仄身無所臣某誠惶誠感頓首頓首切念臣早
編仕籍久玷榮階積處艱煩粗傾庸悞不圖脅
諂之賤自企公忠之爲盡蒙宸襟深體愚節用
絕衆援進由上知出付巨藩入均會省權寄之
重者三路嘗備選求宦游之貴者九卿屢叨除
委上課雖否取尤則微退念所蒙每虞不稱敢

丹波集 卷三十一
期省錄復用褒遷此蓋伏遇 皇帝陛下象天
高明與日臨照覆露旁薄光輝顯融顧惟衰孱
亦在存錄念以久業加之至恩品序清崇屬以
須大官之任訓言溫厚勉其紹先子之休拜命
云初懼懷茲甚以何才効可答深仁臣方佩守
符遠臨邊屏趾練輯羣武撫綏遐毗以赫揚陛
下之威靈以宣浹陛下之慈愛竭臣短力綏主
西憂盡已之謀畢生以報臣無任感恩佩德激
切屏營之至謹奉表稱謝以聞

爲夏宮苑邠州上任表

臣某言伏蒙聖恩就差知邠州已於十月四日
到任訖領戎轄於維陽愧無善狀易守麾於邠
土遽沐殊恩拜命之優省躬而畏臣某誠惶誠
感頓首頓首切念臣材甚梗鬱器非通閎徒以
偶逢辰之榮叨延世之幸因玷官簿遂塵使階
凡名劇煩亦誤掄委然而宣罷輒之力雖勉而
不前慕殊尤之功以愚而莫致宜投散地尚畀
雄藩此蓋伏遇 皇帝陛下大和浹人廣度容

物禮遇先臣之厚慶流弱嗣之深再使臨民用
觀爲政臣器雖至淺心亦自明敢不履蹈冰淵
佩服繩墨撫養百姓訓齊三軍願竭涓埃之勤
庶酬天地之造臣無任感天荷聖喜懼交集之
至謹奉表稱謝以聞

謝轉官表

臣某言今月二十五日進奏院遞到勅牒官告
各一道伏蒙聖恩授臣司封員外郎仍加上輕
車都尉散官賜如故者分三郡之符慙無後効

考四年之績濫進前行被命優華撫躬惶戢中
謝伏念臣本生寒賤之族幸邁明昌之辰官叨
清曹職冒秘閣費廩祿已逾於二紀隸朝紳亦
預於五遷耻從它求榮自上賜此蓋伏遇 皇
帝陛下廓大度以御世操兼術而取人是致庸
虛復膺叙轉敢不益循涯分更勵廉隅上堅報
國之心下固立身之節忠義大者死生以之臣
無任銜恩荷德喜懼交集之至謹奉表稱謝以
聞

陳眉公先生訂正丹淵集卷二十九

陶隱居

宋 蜀 文 同與可 撰

明 吳 毛 晉子晉

蜀 李應魁 務滋 同叅

吳 吳一標 建先

啓

謝吳龍圖啓

某啓近者伏蒙知府龍圖諫議爲某發章薦於
朝廷乞召還書殿以備諮訪者聞命彷徨撫躬

戰慄伏念某材惟朽下性實樛疏稟之自然確
不能變然而纒於爲學之始便識立身之端唾
詈諂謔憎惡詭激惟嗜古人曰仁義者飾諸已
不隨世俗謂富貴者移于心所以自從登科已
至游宦二紀於此一節不回雖然官升朝省久
軋而難遷職隸館閣一置而不問中間累經患
難固亦自安困窮私念旣無援助於當途常謂
莫如退縮於散地向竊請郡聊圖庇身豈謂孤
迹之有依獲在穰陰之所覆每自戒飭庶逃譏

訶伏惟某官學洞聖賢之深器懷公相之重臺
諫風采至今凜然藩鎮威名所治肅若其如好
引後輩曲揚小才忘長醜於流離采下體於葑
非謂某自登門館已歷歲時知其亡它憐以甚
憇今茲守土復在提封考其効官之方參以行
已之事雖亡善狀可免嚴科遂抗薦章特形褒
語蒙見輓之若是在論酬而謂何謹當愈勵清
修益勤素行所貴異日獲在洪鈞之前不後它
人亦預巧陶之末過此以往未知所裁謹奉啓

丹浦集 卷三十一
謝不宜謹啓

謝運判韓都官啓

某啓近者伏承某官特爲某發狀保薦聞於朝廷者反視諸已止如常人念無它才取重賢者聞命之始撫躬若驚竊念某本出孤寒素無才譽自常審已不敢求人獨於執事之門闌向在京師而出入所以南陽丞相嘗爲發章北門主人久與同事至蒙存錄尤恤單平豈期今守於偏州復幸託居於大庇蓋藏其短已荷殊恩升

薦於朝甚出過望何於已而萬幸惟受眷於一門感發于中言出不妄止勤薄効上答深知謹奉啓謝不宜謹啓

謝運使韓少卿啓

某啓近者伏承運使少卿發狀論薦乞朝廷召某任使者顧此無狀聞之若驚將何營爲可用報稱伏念某本無藝業偶竊科名復幸散材更塵文苑稟資鈍縵臨事迂疎用旣無堪援亦甚寡然而耻謀優佚願試繁難向請外官蒙除此

郡政多廢墮事狃因循九謂綱條諸無件目加以地產豐夥俗習僭豪疆戾相高孤弱無告某止能爲明枉直聊正典章惟存至誠豈有它術伏遇運使少卿選從中宸委付外臺旌別羣僚臨按一道猥收蒙鄙曲爲薦揚取困轅間奪燠竈下施之寶校飾以珍徽俾騰長途使備雅樂存憐若此感激無涯惟務操修庶酬知遇卑情無任佩荷深切之至謹奉啓稱謝不宣謹啓

謝成都知府啓

某啓解麾漢水之陽愧無善狀剖竹洋川之上重沐殊恩退惟謏薄之姿薦託醇醲之蔭已頒條教謹佩箴規切念某性本椎儲學無根據誤中太常之異等獲陪秘府之英游而然蹤跡甚孤媒援絕寡常務以繩墨而勵已豈暇學脂韋而事人衆皆怜之盡謂其不肖獨無愧者自知其當然況其幸之已多於所請而常得矧茲刺史之職任實曰難才惟是上官之保存方能免過此者伏遇某官以高才奧學而陞法從以奇謀

丹淵集 卷五十一
妙略而居要權總鈐兩道之兵符提按諸城之
吏瑣向嘗備吏已荷庇饒今復爲州又煩提教
屬守符之所系伏賓祀以無由跂引崇嚴下情
無任喜懼交集之極謹奉啓謝不宣謹啓

謝中書啓

某啓郡易其名罷當還館詔俞所表許復爲州
從人欲之便安何君恩之寬大重煩宰制竊負
兢榮某已於三月二十八日到任上訖伏念某
門地至寒資材甚淺宦途最品儒館陳人學每

強而不高命初稟而且薄從仕二紀罹憂百端
居嘗自知分蓋如此鄉因乞守於鄉近曾未滿
期而地遷旣屬減休之員實虞轉徙之患遂陳
悃悞仰瀆朝廷敢期下貸徼求再蒙寵寄此蓋
伏遇某官以經術講大政以器識觀羣材輯和
衆功製冶元化所以陶鈞之下無坯塏之差丈
墨之前盡輪轅之適用巧所及雖微必收故茲
孱庸亦被掄委敢不飲食王事寤寐政經對諸
吏民之言諭以君相之意凡云釐政止在矜寬

庶知爲國之仁少報代天之惠其無任感荷激切之至謹奉啓謝不宣謹啓

謝文潞公啓

某頓首上季夏極熱伏惟樞密太師侍中台候萬福同違離門館茲已逾年想望恩闕豈忘夢寐自顧寒賤之品不敢非時奏記貴平掌縣令到州伏蒙侍中存錄孤生特頒手誨丁寧告諭若語子姓奔騰浩蕩揮灑累幅開緘之初勢欲飛騰伏誦數過暖如布帛出詫僚友盡恨不爲

已物歸示妻孥皆云便是家寶台躔引照部室生輝昔人有受細林之言而退書諸紳獲山陰之字而別爲一褰豈與不肖今日所得相比擬哉佩服嘉貺榮望已足珠璣滿斗實輕此惠未言藏去以傳世衍同無任忭蹈激切之至謹奉啓謝不宣謹啓

別紙

某出入門下殆三十年賦命薄淺牽挽不上侍中每怜孤蹇顧遇不替凡列左右溫慰如同

所恨窘迫急於救贍不得居官輦下日趨恩屏
得郡於此至爲牢落山谷之中殊無氣味飲食
之物藥劑之品悉仰它處速不能得已過五十
漸入衰病生平苦學自知無用閑方僻所且冒
祿食實亦自愧矣侍中常賜存卹敢此具道某
上覆

謝王尚書啓

某啓某近至幕府少謝尚書爲辦東行之惠以
某之散冗以尚書之貴重其謁見接遇之禮止

當一賜之坐一召之食則其體宜矣而尚書厚
自損抑絕去崖岸延引勞問言貌溫悅遊騎燕
席皆許參侍有所過慢一用恕悉此尚書立德
之隆取義之重爲之而可也其如某之負抱靜
無所有使之將何以報尚書如是存眷者耶某
此者幸得試職文館尚書將旦夕召用歌勲頌
業輝耀尚書之休懿者某僅能爲之是亦可以
對今日所蒙之萬分爾漸遠軒屏某無任瞻系
激切之至謹奉啓謝于浼威重伏增恐慄不宣

丹淵集 卷之九
謹啓

謝提刑謝司封啓

某啓某近者竊聞某官以其備吏於所部之下
憐其亡狀之迹不能激昂奮迅自求所以比數
於人亦已久矣故深欲車推而綆汲之使不至
留礙沈溺乃持其姓名覲有聞於朝廷之上而
且謂其亦可以施用於當時者某蒙德之厚將
何所有以謝公如此之貺於門下者哉某不勝
喜懼交集彷徨展轉之至伏念某出於孤賤資

品殆不能及於中人學進士本無望遂至於顯
榮止欲求升斗之粟尺寸之帛以免夫終歲饑
寒之患不幸天與之性使之簡介而專僻於人
事殊不通曉常自顧其中枵然無它奇才以求
知於人歛嘿羞畏固未嘗敢輒一開口問寵官
要人丐少餘論執之以爲進取之階從讀書應
舉及第守官以至遷改資序召試貼職皆以在
上者之人見愛謂某所行道途後日當必至其
所至之地乃相與極力牽挽僅能致如此之今

日雖然所獲能幾而已似夫不可當得十年之中罹禍難被困苦蓋濱於顛隕蹙踣之危者實屢矣昨蒙除恩粗得試守此郡正謂居明公提按之下殊不敢儕於隸人有斯須自便之懈循大端略冗目擊豪暴撫柔良如是焉而已矣且欲勉在賢人君子之側不使少有罷輒不識之過以取煩於芘賴或至於不可留以爲民之師帥又懼取煩於啓上而斥去之豈謂某官以恢博之量通察之明嘗相官屬內辨良苦必以某

底裏椎縵甘守頑藐偃然自治以安不肖垂哀下閔將洒濯而熏被之使焯然發光焰出文采從學士大夫之後無或少愧某被賜厚矣言之無由以殫其爲感之心矣其如所以日念報稱於左右者惟當飭羈勒躡鑣施鞭策就康莊而以事夫駸駸不已者焉有阻趨瞻實增戀慕謹具啓謝謹啓

謝張度支啓

某啓近者伏承某官遠馳轡軒下歷敝邑傾望

之始人皆憚於嚴明按視以來衆盡蒙於寬假
官吏識提綱之體兵民忘持斧之疑才賢所臨
風誼斯在竊惟布郡國之政皆以分朝廷之憂
然於察廉必用照恕有智力雖短而顧無貪冒
之惡有措置或爽而能盡公忠之心至如決罰
微涉於笞杖之差區撥略失於關移之緩整比
未稱占對稍愆此乃衆人常情庶事末節若次
第皆指以爲罪則煩碎下無其所安須存其權
使盡乃術伏惟某官治已以禮示人不疑通達

以該乎物情文雅以飾乎吏事凡閱諸目生求
大端但觀爲治者何如其人曾莫更問其至小
之過深副上詔大權羣心某退自省循實蒙存
錄惟堅其守用塞所知卑情無任感忭激切之
至謹奉啓謝不宣謹啟

謝張提刑啓

某啓近者伏審提刑郎中不以某無狀特論薦
於朝廷者承命悚愧處之不遑竊念某生於遠
方世事畎畝稟賦不厚諸無所長只好讀書幸

輒登第間關二紀患難百端雖通籍朝闈隸名
儒館而自顧不肖常甘退藏向得此州實滿素
望驅勤飾拙僅以逾年至於簿書紛叢獄犴煩
瑣丁寧區撥翫曲辨明摧屈姦頑撫字惇弱未
嘗一日敢懈於公謀免過尤恐負除委心勞如
此才短奈何豈無不然上達有位伏惟提刑郎
中取人無備接下以寬不職之愆過蒙覆護非
次之舉復爲翦揚荷所眷存敢忘報稱惟期勉
懋用答獎知限守塵符阻趨墻闕某無任感佩
慚忤激切之至謹奉啓謝不宜謹啓

謝田京待制啓

某啓昨侍燕坐親承誨言心相矜存意在推挽
荷德之重撫躬而榮竊念某稟生甚微爲學差
晚勉道不至強文非高偶塵賢科遂去民籍一
命佐府止安勤愚三年歸銓幸免愆曠比調藩
候之幕獲依臺使之麻赴官未期託跡于是此
者伏遇都運待制持斧按部驅車過州例叅羣
名進拜崇采接以溫裕已被寵華之深憐其單

平復形恩意之厚退念所守何堪其承再惟顯
蒙本喜論譔公有奇節時方盛 傳止能竭暨
儒章句之微撫賢者忠義之實會以逸事張之
累篇或播之於樂工或附之於史氏歷世茲永
大名其新惟持此懷庶答乃惠

謝都運傳諫議啓

某啓伏蒙聖恩授前件官已於去年十二月二
十九日赴上訖莫府承寮已編吏瑣嚴臺取庇
謹佩官箴省已綈孱側身悚覲伏念某處地遐

絕託宗衰寒易業耘芟嚮術鉛槧專尚以學安
追源流偶程其文謬玷科選旣策足以從仕途
刻心而首公願殫勤愚儻稱恩遇向宦西鄰幸
逃過充此官南函誓謹名節然而賦守椎滯云
爲拙蒙深繫賢明大與寬假伏遇某官德厚而
載才高且通接物於誠待人以恕西道籍用簡
君相之憂列城承流聳士民之望某幸以眇迹
遙于洪庥常祈台光有照隙漏止營寸効仰報
全仁某無任喜懼激切之至謹具啓謝與犯崇

州淵集 卷五
重伏增戰越不宣謹啓

轉官啓

某啓考績中臺叨奏成於吏効引名便殿獲序
進於朝倫服寵命以優榮揆孤衷而悚越切原
夫歷代之典最重者太常之司有虞之隆兼禮
樂者秩宗之任惟周之盛次天地者春官之聯
其後取名各殊定品尤貴於以表國家盛大之
義謂其練朝廷沿革之文旣爲之卿也總正其
端原又設之丞也俛助其區處苟非達聖作明

述之與辨功成治定之宜識無不通才有可議
則何以槩隸此局濫塵厥官就失慎於選掄是
輕蒙於稱誦如某者出在遠蜀生於窮閭自曾
高已還而未嘗服官因文物之盛而輒自嚮學
性難挾以非穎文支離而不工偶叨薦書獲寘
仕版贊佐兩郡周回十年上官交章謂其可以
任使本部按詔乃曰當乎叙遷有持所得之科
名爲引乂行之恩例銓啓上列宸音下俞超居
衆前使異平選逮趨雲陛之對親邇天言之臨

丹湖集 卷之九
錫之恩章命以通籍乃署此職以榮其躬何不
肖之賤生受常存之要秩迺幸孰與其緣有來
此蓋伏遇某官平誠接人用恕及物凡在顧矚
悉生輝華剔鏤朽液而冀成美材鎔鑠堅頑而
使就利器茲所蒙被實由翦揚退惟孱真粗識
依嚮某敢不夙夜自敕起居弗寧率道而行狗
公以處貴少收於治最勉後報於恩仁心所記
藏書焉簡漏卑情無任感荷激切之至謹奉啓
謝不宣謹啓

上知府吳龍圖啓

某啓仲夏毒熱伏惟某官尊體動止萬福卽日
某蒙恩伏念某違去左右倏焉三月嚮慕旌旆
發于夢寐候問之簡念常愧仄實謂明公愛恕
臨下須煩寵答所以用此有如惰略仰計崇量
曾莫垂責伏惟鎮撫方面安靜如堵暘雨時節
稼穡登楛善良伸展姦豪屏縮治蜀之績轉聞
久矣惟虞鼎席之缺卽下鋒車之召西南民吏
求借不得某出入門下十年于此被顧良厚實

越倫輩今復試守支郡獲依使芘蒙賴台照日
晞光燄敢不夙夜思懋厥職上報大君之殊惠
次酬明公之優眷符守所拘阻趨嚴屏乞土爲
宗社精調寢餼某卑情無任系戀之至謹奉啓
上問台候不宣謹啓

賀昭文文相公啓

某此者伏審昭文相公寵被明詔召還宰席朝
野之士揖拜相賀誠以相公器度識略實冠流
品洞明前世經權之會探究當今治忽之體用

之於文則修舊起廢而倫理備施之於武則翦
暴除亂而姦宄息有惠利以浹民之骨髓有勲
烈以載國之旂常窮涯缺隅孰不瞻系而一旦
在外頻年不歸雖有美化止及乎一方實使重
望久虛於四海皇上懷眷舊德企渴嘉論亟下
宸旨以促其入追復正治易如指顧方今四夷
未甚率服百姓未甚富庶陰陽未甚調泰稼穡
未甚蕃衍相公登庸羣議欣洽感動和氣煙霏
雲浮熏烝悠颺疵癘皆愈太平之遇期在旦夕

天下幸甚某早荷存顧無所報効側聞休命跳地而舞伏限官守所拘不獲奔詣左右某無任喜躍之至謹奉啓賀不宣謹啓

獻文字啓

某啓某荒闇鈍呐幸庇迹於麾下以其嘗用文字進取科級以某官有重名于當世復仗使節臨按其上固宜整緝舊學蚤先諸人以獻左右爲下吏導名姓於上官之禮然猶省慮付審欲往而復卻者二年于茲矣無他實謂本期用此

以求一顧之惠或懼惡其蕪雜蓄亂聽覽反獲投棄之辱職是故嘿然者久焉今歲官滿有旨召試在幽蒙蔭局事甚簡時亦強自搜剔營新補故聯比綴次以備其事雖日無取詎敢藏匿今輒繕寫古今雜著共二編上塵台几裁制之暇願賜披閱可進可止唯俟嚴教于浼威重無任戰慄之極不宣謹啓

丹淵集卷二十九終

陳眉公先生訂正丹淵集卷三十

陳眉公先生訂正丹淵集卷三十

宋 蜀 文 同與可 撰

明 吳 毛 晉子晉

蜀 李應魁 務滋同叅

吳 吳一標 建先

啓

謝趙龍圖舉自代

右某啓近見本州進奏官報狀竊承知府龍圖舉某自代者心隨驚飛汗與愧落自已不稱人

丹淵集卷二十九終

陳眉公先生訂正丹淵集卷三十
宋 蜀 文 同與可撰
明 吳 毛 晉子晉
蜀 李應魁務滋同叅
吳 吳一標建先

陳眉公先生訂正丹淵集卷三十

宋 蜀 文 同與可撰

明 吳 毛 晉子晉

蜀 李應魁務滋同叅

吳 吳一標建先

啓

謝趙龍圖舉自代

右某啓近見本州進奏官報狀竊承知府龍圖
舉某自代者心隨驚飛汗與愧落自已不稱人

其謂何伏念某氣識甚蒙材品至下毓質辟陋
逢辰盛明起地讀書變家登第袞袞從宦斤斤
勵躬唯循廉隅敢越涯分進隸儒館蓋緣科名
累遷郎曹實用恩例曾不僥兢重防詆訶高尋
前人下遠浮俗半通五兩得每自安數粒一枝
居無別望幸官鄉郡竊比使麾事親之心大恐
不至好古之道深虞未淳豈謂某官愛其所存
忘是不肖因遷美秩遂啓中宸謂某竭力慈闈
行著鄉里玩心聖壺譽高儕流退謂不如引而
自代某愚何者公意乃然大雅所爲固云謙抑
小人當是能不悚兢念蒙此章將底云報唯當
益謹素節上酬深知限守詔條阻趨麾戟引領
門下無任感佩激切之至

謝館職

伏蒙聖恩授充前件職者程文禁林幸被詔寵
列職秘館謬叨恩榮度裏枵屣撫已慙懼伏念
某出自遠蜀生於窮閭逢時之文從事于學性
自樸鄙才非淹長唵磨簡編力不逮古撰綴辭

丹淵集 卷三
語強無由高名聞寂寥跡緒奇蹇退守舊業田
園皆荒進于榮途道地愈遠嚮繇選藝閭里偶
塵薦書外名殿廷誤中科級是後更佐兩郡行
周十年近緣公章入改朝序尚茲僭妄敢爾僥
希攀援前人引列著令愚悃上達宸音下俞委
之者儒較以舊學並取者衆獨知最艱洎試淵
題加多穴思小巫未進靈氣已銷大匠在前汗
顏不止飛景將入蕪音僅成機杼不工痕疵固
滿猥當奏覽常待報聞敢期清流亦用微品竊

謂圖書之府英雋所躔亡似而居有覩其面靜
惟之致良有所階此蓋伏遇某官獎育微才推
揚介善言辨臧否人為重輕眷茲單平陰所提
振是致懦品亦升華階惟精乃心以辨厥職庶
酬已目無玷恩陶卑情無任感荷激切之至

謝提刑度支

近見本州進奏官報狀伏蒙提刑度支舉某不
次擢用者無狀之人本自甘於散外不訾之舉
期特昇於褒陞被眷優隆省裏愧負伏念某生

地至遠如人且微起家學文擢第從政殊無才
術之可用但守勤愚而自將圖書之淵謬陪於
俊茂禮樂之府竊玷於班聯居常懷慙敢自謀
進嚮以親闡之便得茲鄉郡之歸職事沈迷廩
食尸素幸諸公之在上顧匪人而若存無責其
瘼重爲之地此者豈謂某官大與芘賴陰相薦
論謂宜召還不次擢用施此眇眇屬之孱庸慮
聞于他或議其過斯蓋某官常賜延納屢交語
言察某之性椎鈍而少文揆某之心歛默而畏

動持此之見抗然以言况如某之所爲實在時
而不肖旣不能激昂以取夫榮耀又不能潛伏
以休于幽深徒容其身以累於世然而伯陽所
尚者知止仲尼之與者有常仰惟高明用此采
錄敢不益敦素節勉尚清修惟堅所爲以俟其
報

謝運判舉陞陟

伏審運判職方同罪保舉某不次陞擢者聞命
之初撫躬而愧竊念某生無肖似起自單平偶

丹淵集 卷三 四
然讀書遂爾登第止知公忠清慎曰泄官之本
不能矯曲儉媚効隨時之爲用諸公之薦而升
朝闈蒙先帝之召而入文館常淡厥進以安其
愚兢兢自持默默無競向求鄉郡視寢親闈得
芘公庥已深天幸運判職方一見如舊二年于
茲故常掩覆其不能未始督責其無狀已荷寬
假敢期薦論茲佩德之至深復何言而可謝唯
將愚節上答已知卑情無任 云云

謝成都府尹并三司

因權邛州

近奉臺移俾承郡乏已茲蒞政常爾兢兢懷伏念
某學術非深才具至短其資選懦所向拙方爲
治中之官殊恐不職行太守之事固非其宜然
而一紀之中三來於此事體素習民情相諳雖
若偶人之臨猶爲編戶之信止循舊貫敢立奇
名但勤學製之工庶免代傷之醜惟煩厚芘以
保孤蹤引企門闌某無任系戀 云云

謝府尹并二司

因磨勘交子

嚮者領帥府之召置校財簿之虛盈留連幕中

丹淵集 卷三 五
將逮一暮之滿出入門何嘗三日之疎威采霽
上官之嚴文儀簡屬吏之禮會無督責常與撫
存凡燕游之地許其來從有詞章之事多以見
屬仰被慰錄他無間言某自知非木石之頑公
垂眷有丘山之重事已還治心焉嚮仁前此違
離實深感愴此蓋某官神襟浩粹德量淹宏扶
持草茅毀去崖岸周旋接下不以勢力而自高
款曲推誠蓋存信厚以相待遂使庸妄居嘗傾
依里堠裁一昔之行門闌若千里之邈惟勤職

業以答愛忘庚伏在秋嚴漸邇伏乞上爲宗社
精調寢興某卑情無任 云云

謝夏宮苑

右某嚮聞幢節之行敢用竿牘之獻以道榮幸
得依美庠豈期照存忽賜還答顧此孱陋當之
悚兢此蓋知府太博蚤相矜憐厚自謙抑禮鈞
於下情感于中卽歛迹以瞻依但盈懷而聳躍
卑情無任佩荷之至

謝宋國博